



PARAU FA'ARARA'A NĀ TE MAU VE'A #19

Mai te 'omuara'a 'o teie ma'i 'i te fenua nei e tae roa mai 'i teie mahana, teie te mau nūmera : 843 ta'ata tei hi'opo'ahia (51 hi'opo'ara'a i nanahi ra), 51 ta'ata tei ro'ohia 'i te ma'i COVID-19. Hō'ē noa ta'ata tei tapeahia 'i te fare ma'i. 'E te parau 'oa'oa, 'aore ā ta'ata i fa'aru'e mai.

Teie te pitira'a o te mahana e aita e ta'ata i itehia e, e tiroiro to roto iana i muri ae i te mau ma'imira'a tei ravehia i Tahiti, Moorea e Raromata'i.

Te mau numera 'i teie mahana

Taatoara'a o te mau ta'ata tei ma'i hia i te COVID-19

51

Rahira'a ta'ata tei ma'i hia i te COVID-19 e o tei tapea hia i te fare ma'i

- no teie taime

1

- mai te ha'amataraa no teie ma'i

4


Rahira'a ta'ata tei rapa'āu hia i roto i te piha rapa'āura'a ma'i fifi

1

Rahira'a ta'ata tei fa'aru'e mai no te ma'i COVID-19

0


Fig. 2. Te mau ma'i i Tahiti e i Moorea, i te ono nō eperera 2020



No roto mai : Piha hi'opo'ara'a i te mau ma'i, Faaterera'a nui no te ea

Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i

Fig. 1. Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i



No roto mai : Piha hi'opo'ara'a i te mau ma'i, Faaterera'a nui no te ea

Te mau fifi 'o te ferurira'a na roto 'i te vai 'opanipanira'a

'Ua riro te 'opanipanira'a o te ta'ata na roto i te ma'i COVID-19, 'ei fa'anahora'a 'api roa io tatou nei, 'a tahi roa 'a 'itehia ai.

'E tau roa teie fa'aotira'a i te orara'a 'e te huru o te ta'ata, inaha 'e fa'ahepora'a teie.

'E nehenehe te ta'ata e 'iria, 'e 'ore tona 'ana'anatae. 'E fa'atupu 'oia i te fa'ata'a'era'a i rotopu i te feia i herehia e tatou, 'e 'aita to tatou 'e ti'amara'a fa'ahou no te haere i te vahi ta tatou e hina'aro.

'E hepohepo te ta'ata no te papu 'ore o te tupura'a o teie ma'i.

No te 'orera'a tona ti'amara'a, e mo'e roa iana te mau 'avei'a o te orara'a, e iti roa mai te mau farereira'a i te tahi e i te tahi.

'E fa'atupu 'oia i te ma'ino'ino, te pe'ape'a, te tapitapi, te mana'ona'o, te ha'umani e te fiu.



Ia vai 'opanipani te ta'ata i te fare e fa'atupu te reira i te hepohepo e te mata'u. No te feia ihoa ra i fa'ata'a'e roa hia i roto i to ratou 'utuafare.

E rahi roa atu a to ratou pe'ape'a no teie ma'i. E mea ta'a'e to te tahi e to te tahi huru i mua i teie fifi.

Ta tatou huru hi'ora'a i teie ma'i pe'e, e mea na roto mai ia i te mau mea i orahia mai e tatou, te mau mea e fa'ata'a'e ia tatou e te pupu ta'ata i reira tatou i te orara'a.

'Eaha tona tupura'a i ni'a i te manava e te orara'a totiare ?

'Ua rau te mau tumu 'e fa'ataui i to tatou huru i mua i teie ma'i pe'e : te vai nei tei fa'ari'i e te vai ra o te 'ore e fa'ari'i .

'E fa'a'ino 'oia i te ferurira'a o te ta'ata.

Te tauuira'a o te huru, te 'ahuehue e tae roa i te a'oa'a.

Te vai 'ato'a nei te 'aravira'a, fa'aturumara'a, te hepohepo, te ahoaho, te mata'u, te 'amu rahira'a i te ra'au, te 'iriara'a, e 'aore ra te moe 'ata.

E rahi roa atu teie mau fifi ia maoro noa a te 'opanipani'a.

Teie ato'a te tahi atu mau tumu :

Te orara'a fifi, te 'orara'a 'opiripiri, te fifi 'ohipa, te vai noara'a i roto i te ta'a 'ore, te mau pe'ape'a 'utuafare....

'E'ita teie mau fifi e 'ore i muri a'e i te tau 'opanipani'a. Te tumu, te fifi moni na roto i te 'ohipa 'ore. Ia riro teie mau fifi 'ei rave'a ha'apa'arira'a ia tatou.

Na te reira e horo'a mai i te ho'e puai ta'a'e i te utuafare :

- E nehenehe teie mau fifi manava e ha'afifi roa atu i te feia o tei fa'aea noa i te fare ma te 'ohipa 'ore, e te moni 'ore.
- Te fifi no te ho'ira'a i ni'a i te vahi 'ohipara'a.
- Te fifi 'ohipa i rotopu i te ho'e tane e tona hoa vahine.
- Te hi'o 'e ra'a i te tahi mau ta'ata no roto mai i te ho'e tuha'a o tei fa'aruru i teie ma'i, e 'aore ra te ho'e ta'ata ma'i.

« E mea faufa'a roa te mau ha'amaramarama'a »

Ia fa'a'ara tamau, ma te horo'a i te mau ha'apapura'a no ni'a i te tumu o teie mau 'opanipani'a, ia maramarama te ta'ata i ni'a i te 'ohipa e tupu ra, e maita'i ato'a ia tona orara'a.

'Eaha te mau ave'ia ?

Ia fa'aiho fa'ahou mai ā tō tatou hiroa tumu o te nūna'a mā'ohi : te hō'ēra'a, te opere maitera'a, te 'autaera'a, te aroha e te here.

Te vai atoa ra te fa'atura e te fa'ari'i, i nehenehe ai ia tātou ia fa'ari'i i te mau tapu, te mau fa'ahepora'a no te fa'aea noa i te vahi hō'ē.

Teie fifi ma'i e mea ite ore hia e te mata, aita tōna e 'otia fenua, aita tona e fenua.

No reira ia vai hō'ē noa tatou, ia vai noa tera ta'amura'a i roto ia tatou, te autaera'a ma te fa'atae atoa tā tatou turu e te tiaturira'a i te mau taote aivana'a no te ra'apaura'a e te pānurura'a ia tatou.

Te ma pū 'ohipa e tāna tautura

Na roto i teie tau hepohepo e rave rahi mau pū'ohipa tei vai ineine noa no te pāhonora'a i ta 'outou mau uiuira'a, te tauturu ra'a ia 'outou.

Na roto i teie tau hepohepo e rave rahi te mau pū 'ohipa no te pahonora'a i ta 'outou uiuira'a.

Te ARAIRA'A 'i teie ma'i. 'E mea faufa'a 'ia fāaha'amana'ohia, 'e'ita teie tiro tiro 'e parare noa, nā tātou ra 'e ta'ita'i nei iana no reira tatou 'e titauhia ai, ia fa'aea 'i te fare.

MĀURUURU E FA'AITOITO